



21572

hol.komp.

III

Mag. St. D.

P

Stanislaus

Episcopus Niemyssae

Picrianowski Stanislaus for: Rosae tigratae
nova sacri honoris purpura rubentes.

PANEG. et VITAE
Polon. Fol.

№ 1407.

Biblioteka Jagiellońska



stdr0002780

R O S Æ
T I A R A T Æ,

NOVA SACRI HONORIS PURPURA

R V B E N T E S,

AD CORONAMENTVM VIRTVTIS, & GLORIÆ,
ILLVSTRISSIMI, ET REVERENDISSIMI DOMINI,

D. STANISLAI

à S L U P O W

S Z E M B E K,

DEI, & Apostolicæ Sedis gratiâ,

EPISCOPI DIONYSIÆ,

SUFFRAGANEI, CANONICI, VICARII IN SPIRITUALIBUS,

& OFFICIALIS GENERALIS CRACOVIENSIS ;

dñm

Varſaviæ, in Ecclesia Sanctimonialium à Visitatione B. M. V.

IN AVGVSTA MAIESTATVM REGIARVM,

Senatus Poloni, & Ordinum Regni præſentia,

A

CELISSIMO, ET REVERENDISSIMO PRÆSVLE, AC PRINCIPE,

D. J O A N N E

DE MAŁACHOWICE

MAŁACHOWSKI,

EPISCOPO CRACOVIENSI, DUCE SEVERIÆ,

ritu ſolenni in EPISCOPVM CONSECRARETVR ;

debiti cultus, & gratulatorij applauſus ergò,

P E R

M. STANISLAVM IOSEPHVM BIEZANOWSKI Leopold.

In Alma Uniuerſitate Craconiens,

Philosophia Doctorem, Collegam Minorem, Ordinarium Poëſeos Profefſorem,

in Orbis faciem

P R O D V C T Æ.

Anno Salutis, 1690. Die 5. Menſis Martij.

CRACOVIAE, TYPIS VNIVERSITATIS.

J. XXII. 23. 6

21. 572 III

In Gentilitium Insigne,
Illustrissimi, & Rndissimi NEOPRÆSULIS.



BIBLIOTH. UNIV.
VAGELLONICAE

Terna coronati vernant insignia floris,
Discurrunt geminae cisq; Roseta feræ.
Lætior hic vobis vnde est animalia saltus?
An florum capit hic, vos quoq; dulcis odor?
Indomitas traxisse feras, SZEMBE CIA virtus
Si potuit, ternis dum micat illa ROSIS;
Quidni homines, Superosq; trahat? nec miror in illa,
Ad se quod Sacram, traxerit illa Mitram.

A D
Illustrissimum, & Rndissimum Dñum,
D. STANISLAUM
à S L U P O W
S Z E M B E K,

DEI, & Apostolicæ Sedis gratiâ,
EPISCOPVM DIONYSIÆ,
Suffraganeum, Canonicum, Vicarium in
Spiritualibus, & Officiale Generali Cracouiensem,
AUTHORIS PROPHASIS.

PVRAM Tuam, in ROSIS gentilitiis, nouo Pontificali murice rubentem, etiam absq̃ oculis posse videri, vt intelligas; contemplatione interiori, & sola mentis pupilla à me visam, ecce eam amplissimo conspectui Tuo sisto. ILLUSTRISSE, & REVERENDISSE DOMINE. Vulgare, & promiscuum est, conspici eam ab oculatis; sed pulcherrimum Tibi, & rebus humanis insolitum; quod spectatissima facta sit, etiam orbatolumine Vati; cui tamen splendidissimo nomine, & honore Tuo, totus oculus fuisti. Perspicacissima illa mentis Tuae acies, quâ eximie nites, crystallus mihi fuerat; vt Te sub cortina magni animi Tui viderem, quamuis cortinâ velati luminis impeditus. & vidi, & erubui; quod de Rosarum Tuarum purpura, sine purpura loquor. Laborauit hac in re sincerissimus latitiæ candor, sine colore, sine fuce; non enim meum est de coloribus iudicare. Tu iudicabis NEOPRÆSVL DIGNISSE, & parces; si Te non iuxta mensuram gloriæ Tuae comprehendere; si de ROSIS Tuis spinas locutus, me ipsum pupugi, cum Te non adæquauim. Malui tamen puncturam meam, quam in adeo festina omnium acclamatione, barbari silentij notam. Urgebas me, Tu ipse entusiasmus meus, eo spiritu; quo Uniuersitatem nostram diligis, ab eaq̃ diligeris, vt Filius à Matre;

Aa

tre; quam omninò fecisti, inter sacros honores Tuos, Matrem
filiorum latantem. Gaudet illa, ROSAS Tuas gemmis Ponti-
ficalibus coronari; quarum suaueolentiam à teneris prima sen-
serat, quarum innocentem venustatem sic excoluit; ut in pul-
chritudine animi Tui, & cultu sapientia; etiam Romana Sapi-
entia haberet, quod coronaret. Responderunt utriq; præcellen-
tes animi Tui dotes, & honorum augmenta, usq; ad Aras, &
Tiaras; quibus dum assistis, & consecraris; Apollo noster, amu-
sus omninò, & totus profanus fieret, nisi fieret Tibi, & hono-
ri Tuo sacer. Decora Tua, non capimus quidem pari calamo,
quem excessisti; non ideò tamen excessus hic, venerationem no-
stram effugere debet; cui tantò gloriosius obsequium, quantò se
profundius inclinat; & coram ijs, quæ non assequitur, maiori
ingenuitate erubescit. Sufficiet gloriæ Tuæ, cum effectum parem
cogitantium de se vicerit, in sola scribentium voluntate stetisse.
Prona hæc Tibi, & effusa est in omnes vberioris latitiæ sensus,
gestitq; gaudio publico; quod seculum nostrum, non tota adhuc
ferri sui rubigine consumptum sit; cum aureas mentes in pretio
habeat; cum selectissima capita in Domo DEI sic attollat, ut
Tiariis coronet. Felicitatem istam temporum nostrorum, ut in-
scribimus fastis, ita & prosequimur gaudijs; præsertim in Tua
ad Præsuleam dignitatem sublimatione, tota ex virtute, tota ex
iustissima Tui æstimatione, citra mentem Tuam; sed ex mente
omnium, qui Illustrissima FASCIÆ MALACHOVIANÆ gra-
tias debent; quod vota omnium nexu suo concluderit; cumq; ipsa
sit vinculum cordium, fecerit Te in ROSIS Tuis, coronam ani-
morum. Has ergò ROSAS, noua sacri honoris purpurâ ruben-
tes, Tuum Tibi munus offero; & inter Solennia Consecrationis
Tuæ, magnitudini, & immortalitati Nominis Tui consecro, Vo-
taq; pro Te DEO Scrutatori cordium, qui Te sibi elegit, supplex
nuncupo; ut Te, nobis ad Pontificalia munera adimplenda cali-
tùs datum, longæum esse velit, gratis celestibus augeat; & iuxta
natiuum Sanguinis Tui Rosei genium, iubeat esse florentem; ut
coronamento virtutis, & gloriæ Tuæ decorus, diu specteris, &
ameris, Præsulea flos lectissimus in Tiara.

ROSÆ

TIARATÆ,

NOVA SACRI HONORIS PURPURA
RUBENTES.



Armaticas hyemes, si quæ Floralia cæli
Prodigio vicere nouo, felicius vnquam;
Erubuitq; suas Aquilo, flammante rosarum
Incaluisse niues ostro; dum floret ad Arcton
Hybla pruinosis, ludens innoxia campis:
Purpura nunc visenda solo, quo murice canam
Vestiat artorum faciem, Diuûmq; coronet
Vndiq; puniceis cingens altaria fertis,
Ipse sui Victor Septemtrio iudicet Orbis,
Insolitas miratus opes. en sæua Bootem
Bruma fugit; Præneste suum, Tiburq; Polonum
Pandit Hyperboreæ species pulcherrima terræ.
Quis decor hic? quæ grando calens? quæ facta procellis
Tempestas roseis. nûm rursus ab ordine rerum,
Nascentis mundi redijt formosa iuuentus?
In teneris rubuitq; genis, flos ille pudicus?
Innocuas animas qui primo tinxerat ostro.
Nûm Iouis insternit cunabula? totq; Deorum
Fasciolas inter gemmis, auroq; nitentes,
Lilia mista rosis iterum Berecynthia Mater
Spargit odoratis manibus? dic conscia rerum,
Tu quia Diuinum genus es, sanguisq; vetustus
Fatidicæ Clio stirpis, Princepsq; nouenni
Thespiadûm cœtus; cælestia flamina si Te
Spirantes animiant fibræ; Tu veris amœnas
In medijs niuib; gazas, & dulcia Tempe

B

Fac

Fac Orbis Lechicus nôrit, capiatq; seipsum;
Dum se vix natura capit, mutatq; rigorem
Tota rubens, totam quando riguisse decebat.

Diuus honos, augustus honos, celsissimus ille
Arbiter emeritæ virtutis, Lydius ille
Exactusq; lapis; quo de meliore metallo
Formatæ mentes, selectaq; corda probantur;
Ille coronarum trabearum Censor, & Argus,
Totaq; majestas Soliorum, purpura tota;

Tiarati ho-
noris, ex obi-
tu, Nicolai
Oborscii, ge-
mitus & do-
lor.

Gemmatas capitis cûi submisere Tiaras,
Præsulex Diuina licet fastigia vittæ,
Vauelea sub rupe gemens, dum Lilia rapta,
Quærit OBORSCIACÆ nimium dilecta COLVMNÆ,
Incusatq; trucem Lachesim; cultissimus Orbi,
Quod per eam cecidit, Cleri flos, gemmaq; florum,
Mentis ebur niueæ, cæliq; soli; voluptas;
Eumenidum contra rabiem, falcesq; dolosas
Est mihi Numen ait; Vindex mihi dextera præsto,
Quâ vincam furiale malum. si lilia terris
Eripuit, sacrasq; niues, & candida magnæ
Pignora Virtutis; sed pulchrius illa nitescent
Transplantata polo. sed non cecidere rosarum
Vitales Orbi plantæ, Reginaque florum
Vernat adhuc terris, & purpura Præsule digna.
Hinc mihi solamen, roseis de floribus indè
Liligeras supplebo vices; rursumque decoram
Cinget honoratis Dionysia Sponsa corymbis,
Ornabitq; sacra gemmarum grandine frontem.

Celsissimus
Præsul, &
Princeps, Io-
annes Mała-
chowski,
Episc: Craco.
Dux Seueritz
Stanislaus à
Stupow
Szembek,
Suffragane-
um tuum
nominat,

Maecte animo Præsul MAŁACHOWI, fac age, quod jam
Magna mente Tua, cælo dictante reuoluis;
Polce Rosam, decerpe Rosam, dudumq; probatum
Sanguinis, atq; Tui cordis jam delige florem;
Qui Tibi purpureo nexu, noua secla coronet,
Orbatasque mitras, & lilia cana rependat.

Ecce

Ecce sinu roseo fouet hunc lectissima virtus,
 Gratia circumstat, vox publica poscit, & ambit,
 Designant animis omnes, plausuque sequuntur;
 Et mea non alium, prono de corde voluntas
 Principe dignatur trabea; sublimibus Aris,
 Adstet ut Antistes, cæliq; negotia tractet.
 Sic Tecum decerno libens ô FASCIA! sic Te
 Mille sequor votis. sic Te Dionysia Sponsa
 Desponsare volo. Rosa sit Tibi Sponsus, amorque,
 Sitq; Tiarati capitis Tibi sacra corona.
 Sic statui nutu Superum, fastisq; cedrisq;
 Inscribe nomen dilectum. plaudite florum
 Deliciæ, Charitesq; Lechi. fuge bruma, rigorque,
 Arctoasq; niues penitus ver dulce resoluat;
 Germinet ut flores roseos lætissima tellus,
 Dispensator honos, & custos summus honorum,
 Stemmata de roseo, MALACHOVI Principis ore,
 Pontificem quando cælesti Numine dixi.
 Vix ea fatus erat. cum ruptis nubibus imbres
 Punicei, subita florum cecidère procella;
 Cum Zephyri lenes spiracula dulcia, toto
 Effudère polo. fit jucundissima rerum
 Momento facies. sonat æther, sidera plaudunt,
 Os Charitum loquitur, Lechicus quoq; concinit Orbis,
 Dulce STANISLAI SZEMBEEK cum sanguine nomen.
 Ergo coronati flos nominis, ergo medulla
 Virtutum, probitatis amor, speculique nitentis
 Exemplo vitæ tersissima gratia Salve.
 Hoc Tibi Diuinum, quod jam nunc cernitur in Te
 Debebatur opus. post lilia Te sibi gratam
 Optauère Rosam, Cracij fastigia templi.
 Ipse Tuos, pulchro meritorum tramite ductos,
 Vestigabat honos passus; in culmine donec
 Staret honorato, Tua Te dignissima mitra.

Publicus in-
 de plausus, &
 animorum
 læticia.

Nam Tibi quàm Roseus sanguis, tam purpura mentis
Tota Rosis vernans, & concors stirpis auitæ

Szembecia-
næ Domus
splendor, &
auita origo.

Stemmatibus claris; quibus Orbis secula vidit
Prisca coronari, longinquo Sole calentes

Ornariq; plagas. Alemannica regna loquantur,
Quanta vetustatis Tibi gloria, ducta per æuum
Nexibus antiquis, & non consumpta tot annis,
Ac tanta rerum ferie. Tu CAROLE Cæsar

Magne, triumphorumq; Parens, Soliq; potentis
Auctor in Occidua trabea, quæ secula regni
Alta Tui numeras; eadem SZEMBE CIA Tecum
Computat, & memores fastos sibi poscit origo.

Saxo Tibi sæuus, post ardua prælia victas
Quando manus dederat, magnis fractusq; triumphis
Cesserat in spolium; jam tum victricia signa
SZEMBE CII generis tulerat fortissima virtus.

Indè secuta Viros, præclari nominis ortu,
Fama per Imperij tractus, per gesta Gradiui,
Per tot adoratos Fasces in vertice Romæ,
Cæsareasq; Aquilas. donec flos aureus æui
Successit, numeransq; suos longæua nepotes

Annorum series, vidit sub climate nostro
Effulxisse decus roseum; quo sanguis amicus
Viscera possedit Lechiæ, fellasq; curules,
Venit & ad mitras capitis, gemmasq; rosasq;
Purpurei decoris. sed per discrimina mille,
Perq; cruentatas acies, per Thracica colla,

Alexander
Szembek, in
variis expe-
ditionibus
bellicis, sum-
ma virtute
celebris.

Perq; triumphatam Rhodopen, Moschosq;, Getalq;,
Hoc in ALEXANDRO meruit; qui totus in armis,
Vt semel induerat Martem, galeasq; madentes
Sanguine, loricasq; graues, non exiit Heros
Maximus; incubuit donec felicibus ausis,

Inuenitq; cadens pulchram per vulnera mortem,
Quæsitam varijs conflictibus; arma Polonis

Dacica

Dacica seu MICHAEL ferret, dextraſq; rebelles
Inuicta victas acie; dum claua IOANNIS
ZAMOSCİ Martemq; regit, Dacæq; triumphat.

Contra Mi-
chaelem Mol-
danum, Duce
Ioanne Za-
moscio, stre-
nuè militat.

Sive Sudermannum contra, Liouonica quando
Bella mouet, Suecoſq; ciet, viclatq; nefastis
Fas, & juſ gladijs; ſed non victricia ſigna
CAROLE CHOLKIEWICZ Tua; dum Tu ſæpiùs iſtas

Sudermannū
Suecum, ſub
Duce Carolo
Chodkiewie
in Liouonia
victricibus
armis per-
equitur.

Victor, & vltiores gladios in pectore figis
Non ſeruante fidem. Smolenſci grande theatrum
Succeſſit poſthæc; quo ſpectatiſſimus Orbi
Factus ALEXANDER, dum Moſchica prælia vincit,
Obſidioq; graui premit hoſtem, vulnera temnit,

Sub Sigismū-
do III. Rege
Poloniæ, pu-
gnans ad Smo-
lenſcum glo-
riose occum-
bit.

Auguſtis oculis coram, ſos ille, decorq;
Martis, in ardenti Patriæ cadit hoſtia buſto,
Fitq; corona ſibi roſeo de Stemmate nexa,
Purpura clara Domus, magnis potiorq; triumphis.

Ingentes animas, veſtigia tanta ſecutas,

SZEMBECIA Virtute pares, Orbisq; teatro
Iam ſatis ex merito ſpectatas, ſedibus altis
Non moueo Vates. quoniam Tu proximus iſtas,

Tu cytharamq; moues, non vna laude canendus
Magne Parens FRANCISCE; cui Parnaffia rupes,
Tota ſuos laticeſ ſi conſecraſſet; in vno

Franciſcus
à Słupow.
Szembek,
Caſtellanus
Camenecen-
ſis, Neopra-
fulis Parens.

Nomine, Theſpiadum fontes, Cyrrhæq; fluenta,
Exhaustis minui lymphis conſeſſa fuiſſet.

Tu mihi ſos, & gemma nites in ſanguine florum,
Par Atauis, Proauisq; Tuis, Tu ſufficis vnus,
Celſior his, & ſumma tenens faſtigia ſtirpis,

Purpureæ munuſq; togæ. FRANCISCE ROSARVM
Ternio, ſed dulcis; ſed tot complexus amores,

Summæ ani-
mi eius do-
tes.

Votaq; tot Patriæ; roſeis quot Pæſta coronis,
Pulchra renaſcentis cingit Floralia veris.

Excelfas animi dotes, cæleſtia dona,

Quæ Tibi dant pretium, quæ Te ſublimiùs vrgent,

C

Non

Non capit hæc testudo minor Te, victaq; jure
 Succumbit; victæ genius nisi maximus ex Te,
 Flamina restituat Phœbi, sacrosq; calores.
 Confusus eras semper, Delphos animiq; tenebas,
 Iustitiæ zelo pro libertate locutus,
 Absq; supercilij suspensa nube, Catonum
 Diuinos sensus, legum custodia per Te
 Excubias vigiles, & non perrupta dolosis
 Claustra tulit manibus. vicisti fulmina, motus,
 Nubila, conflictus animorum; grandoq; tota
 Obicibus ruptis non profecisse dolebat;
 Immota cum mente DEO, filusq; probatæ
 Virtuti stabas; procul Aeroceraunia temnens,
 Et si quid potuere vices reflantibus actæ
 Fluctibus Æolijs; Tu per luctantia secum
 Æquora transuectus cecinisti dulce celestima;
 Iamq; Laertiades victor, ciuilia sæpè,
 Transtra coronasti pariter dilectus, idemq;
 Pondus habens meriti per tot subsellia cultus.
 Quippè Tibi dulcedo fuit, Charitumq; voluptas,
 Corda rapax, animosq; trahens, Te seria quamuis
 Mens ageret, rigidumq; licet deposceret alti
 Iudicij tripodem. sic inter mascula rerum,
 Officij; Tui densata negotia, dulcis,
 Comis, & ex facili veniens in pectora ductu,
 Totus amor Ciuilis eras; dum Cracidos in Te
 Terrarum calamo felix, & primus honorum
 Auspex, justus honos genio pro vindice legum,
 Ex voto Patriæ descendit, & aurea pandens
 Ostia virtuti, præcellsa senacula tandem
 Augurio seruata Tibi prædixit amico.
 Indè Tibi fasti meritorum, totq; deinceps
 Successus creuere Tui; dum publica fandi
 Libertas concessa Tibi; cum dexter agendo

Notarius
 primus
 Terrestris
 Palatinatus
 Cracouien-
 sis.

Inuen-

Inuentus, factisq; potens, in cardine regni
 Os dictis, animumq; parem pro munere ferres
 Nuntius huc toties, vbi rerum summa potestas,
 Consilijq; penu. cum Te iam Regia dignum
 Altius euectis trabeis, censura probasset;
 Quod testata fuit Tibi Præfectura Becensis
 Augusto nutu, collataq; Numine dextro;
 Adderet vt stimulos animo, fieretq; curulis
 Sarmaticæ præfaga; breui quam protulit ortus,
 Verè purpurei decoris latissimus ille;
 Quo jubar in Regni facie, Lechiciq; Senatus,
 Decretusq; Tuæ Virtuti, lucis in auge
 Expectabat honos Te, post ingentia facta;
 Post impensa bono Patriæ, rebusq; gerendis
 Fida tot obsequij felicitis munera, postq;
 Incessum toties Regni sublime Tribunal,
 Iuraq; post Themidis zelo defensa calenti,
 Pro legum stabili fulcro, pro moris auiti
 Integritate, fide, dictamine juris, & æqui.
 Ergo SANOCENSIS jam CASTELLANVS vt esses,
 Urgebat virtus, probitas, sapientia, candor,
 Iusta; vis meriti, plausus communis, amorque;
 Natalesq; ROSÆ poscebant, ocyus vt Te
 SZEMBECHIS consors vestiret purpura ceris;
 Aucta dein Regis summa virtute IOANNIS,
 Ac sensu de Te eximio, qui Principe dextra
 Fulmen in hostiles vt Victor maximus oras
 Torquet, & ex Getica rabie, spolijsq; triumphat;
 Sic oculo mentis Regum pupilla, capaces
 Discernens animos; sic dispensator honorum
 Eligit ad Patriæ trabeas lectissima corda;
 Omnibus vt constet censuræ Principis ingens
 Gloria, Diuinusq; tripas, sapiensq; potestas.
 Censuit hæc, voluitq; Tuam sublimiùs ire,

Nuntius ex E-
 questri Ordj-
 ne, ad Gene-
 ralia Regni
 Comitia, ex-
 pius munere
 functus.

Præfectura
 Becensi, iam
 honorificè
 ornatus.

Ad Iudici-
 Regni Tribu-
 nalitia toties
 magni nomi-
 nis Deputa-
 tus.

Castellano
 Sanocensis ei
 dignitas con-
 fertur.

A Serenissi-
 mo Rege Io-
 anne III, ad
 Castellano
 Cameracen-
 sis sublimio-
 rem in Sena-
 tu gradum
 prouehitur.

Emeriti decoris feriem, fecitq; curulem,
 Ad Camenecensem roseo Te tramite ferri;
 Qui verè Roseus natiuo flore Senator,
 Ipse coronasti sedem, quâ prominet Orbi,
 Iam Tua Sarmatico virtus in murice fulgens.

Nempè boni Superi, sic in Te prodiga dona
 Effudère; prout gemmarum grandine tota,
 Tu quoq; cælestes in cultus depluis, illa
 Affectus pietate Tui; quæ viscera pandit

Templi ad S.
 Casimirum
 Cracoviæ
 munificus
 Fundator.

Tota DEO, gaudetq; opibus, quas spargit in vñus
 Seraphicos; roseis CASIMIRI lilia casta
 Nunc manibus plantans, nunc Magnæ Virginis hortos,
 Et virides Aras, Zielenicensesque coronas;

Templum
 quoq; in Zie-
 lenice, ad mi-
 raculosam D.
 Virginis Ima-
 ginem, piis
 sumptibus
 erigit.

In quibus æternus viror, & celsissima Matris
 Gloria Diuinæ per tot miracula vernat;
 Teq; coronavit felici prole beatum;
 Ex qua Præsuleus sibi, cælo iudice primam
 Ecce Rosam delegit honos; cordiq; paterno
 Sufficit in sacra Natum vidisse Tiara.

Materni generis sed jam me splendor auitus

Illustriss.
 NeoPræsu-
 lis, Materni
 generis
 Splendor.

Inuitat, plectrumq; ciet, Phœbiq; canorum
 Poscit ebur; quod tango libens, quod dedico magnis
 Nominibus, tantæq; sequor vestigia laudis.
 Scilicet ex roseis hortis, in sacra vireta,
 Hic vbi flos Hyacinthus adest, de stirpe vetusta,
 Quando feror; plaudente feror, votoq;, lyraque.

Sophia Odro-
 wasia, Illu-
 striss: Ioannis
 Odrowaz
 Piniązek,
 Palatini Si-
 radienfis,
 germana So-
 ror, Illustris.
 NeoPræsu-
 lis Mater,

Huc me cum fidibus trahis ODROWASIA Mater,
 Sanguine magna Tuo, major Virtute SOPHIA,
 Digna tot ex atavis decus immortale tulisse,
 Dignior ex meritis; fueris cùm norma pudoris,
 Exemplar pietatis, amor verique, probique;
 Sicq; Parens fecunda, DEO quod cesserit ex Te
 Ternio Natorum pulcherrimus, ipsa Rosarum
 Gratia, præcellensq; Tui dilectio cordis;

Cui speculum fueras virtutis, & aurea vitæ
 Regula, formatrix animi, morumq; Magistra,
 Insigni Virtute Tua. cælestibus illam
 Intuleris sed jam cùm sedibus. ecce triumphat
 Tota, rapitq; oculos Lechiæ, calamosq; fatigat;
 Tota Palatinis trabeis in Fratre IOANNE,
 Siradiæ terris, patrio super axe coruscat.
 Ille genus summis titulis, & honoribus auctum
 Antiqua de stirpe Virum, de sanguine ducit
 Augustis juncto Solijs, vicinaq; tangens
 Regna per Occiduos fasces, cæloque propinquans,
 Est consanguineus Superis in flore beato,
 Flore Marianis Hyacintho dulcibus olim
 Delicijs digno; Stirps ODROWASIA per quem
 Si cælostetigit? quidni fastigia rerum
 In terris habeat? quidni per secula magni
 Sanguinis, & virtutis opus memorabile signet?
 Qui celeres Parthi numerat, Scythiæq; sagittas;
 Aptâ pharetratis jaculis, qui tela Gradiui
 Colligit; in tota vel Perside computat arcus;
 Hic ODROWAZIÆ victricia tela Sagittæ
 In tabulas referat; quibus hic non sufficit Orbis,
 Dura per æternas hyemes, quem congelat Arctos;
 Cultior Europæ nisi pars, sub Cæsare magno
 His quoq; cessisset. sed nec cultissima fandi,
 Vis est vlla Viris, nec Vatibus vlla potestas,
 Sanguine de tanto paribus certare cothurnis.
 Musa Palatinum, satis est si nostra loquatur,
 Siradiæq; decus sub tanti nominis vmbra,
 Orbe Virum summum toties spectante reuelet.
 Ille triumphatas acies, & Gotthica signa,
 Et Moschi fastus nimios, turbæq; rebellis
 Cosacicæ fædam rabiem, Ponti; molossos,
 Pannonicosq; ausus, præfractaq; colla Rakoci,

Ioannis O-
 drowaz Pic-
 niazek, Pi-
 latini Stradi-
 ensis decora,
 & encomia.

Martis in orchestra domuit, grandiq; trophæo
 Pyramidum super omne decus, culmenque locauit.
 Dulcè recordari, Patriæ cum stator, & armis
 Sanguineis vindex, rabidas seu fortè Leonis
 Vandalici fauces, seu Fennica monstra, potenti
 Dilacerat dextra, quamuis in sanguine merfus
 Non cedit, figitq; pedem; mox vulnus in illo
 Ceu gemmæ reputat pretium, carumque monile;
 Firmius hinc columen factus, renuensq; moueri,
 Causa DEI quoties poscit, fideique, thronique.
 Et libertatis quoties res publica nutat,
 Nescius in partes flecti; sed pectus ahenum
 Opposuisse malis vicibus, validæque procellæ,
 Censet id Heroæ mentis, conamine dignum,
 Bellipotens pariter, pariter zelator, & ingens
 Hæreticos contra tonitru; cane peius, & angue,
 Exosus Stygias fidei, furiasque minaces;
 Consilio validus, constans, immotus ad omnes
 Labentis Patriæ casus; Iurisque Tribunal
 Marschalci toties cum munere fungitur, inter
 Ardua justitiæ subsellia Præses, & Argus
 Impauida virtute regens. cultissimus idem
 Nestor in eloquio, Cyneæ Supparque disertus;
 Digna Senatorum facie, cûi purpura Suadæ
 Majestate pari dedit impleuisse curules
 In summo positas; & quidquid dixerit ore,
 Hoc praxi rerum solida, factisque probâsse.

Indidit hunc genium, qui dum sapit, omnia dulci

Ex virtute sapit, Majorum præter auitas

Ex Matre,
 Sorore ami-
 gina, olim
 Ioannis Wie-
 lopolski, Pa-
 larini Craco-
 uienfis, con-
 sanguineus
 in eo Wielo-
 polscis ne-
 rus.

Ex ODROWASIIS ceras, WIELOPOLSCIA magnæ

Vis etiam stirpis. nam sanguine junxerat illum,

Illa Palatino Cracidos vicina IOANNI

Materni generis series; quâ proximus, & quâ

Ut cordi dilectus erat, sic nexibus altis

In WIELOPOLSCIADUM clarissima foedera venit,
 Ipse suis plenus titulis, meritisq; decorus,
 Orbis in exemplum Lechici pariterque futurus.
 Hic jam post cantata mihi decora alta Parentum,
 Plausibus Aonijs intentam vellicat aurem,
 Fraternus sanguis NeoPræsulis; ille viretis
 Ternio SZEMBECIIS dignus; de quo mihi Vati
 Tu Rosa prima venis, Phœbi dulcore canenda,
 Nominis, & Virtutis amor, speculumq; paternæ,
 Excelsiq; capax animi PRÆCLAE, Becensis
 Quem Præfecturæ merito jam flore coronat
 Pulcher honos, majorq; vocat. Tu Palladis olim
 Vna Charis fueras, Latij Tu gratia culti;
 Flos teneræ mentis, sed jam maturus in ipso
 Flore iuventutis; sed jam prænuntius alti,
 Ac index decoris; quod mox successerat inter
 Eximias dotes, præclaraq; munera ductum,
 Vsq; ad delicias Patriæ. nam foedere miro
 Iunxisti Martemque togæ, bellicque rigores
 Dulcibus illecebris pacis; pariterque capeffis
 Cum palmis oleas, cum lauru florida nectis
 Munera de cultu roseo; sic Consus, vt idem
 Sis etiam bellax gemina virtute Gradivus.
 Augustis oculis, hoc in Te Regia virtus,
 Et probat, & spectat. qui vicit secula gestis
 Vna Monarcharum, sed gloria tota IOANNES,
 Bellator, Patriæque Pater, majorque triumphis
 Ipse suis; sub quo siluit gemebunda Propontis,
 Martius ille Tibi Censor; sub Iudice tanto
 Sufficit in medias acies, & vulnera ferri,
 Mascula virtutis dare symbola, ferre coronas,
 Nosseq; Scipiadam Lechiæ; sed nosse cruentis
 Cædibus, ex Thracum tumida ceruice madentem.
 Hunc sequeris, seu ille Scytham per Dacica fundit

Præclaus
 Stephanus
 à Stupow
 Szembek,
 Capitaneus
 Becensis ger-
 manus Neo-
 Præsulis Fra-
 ter.

Serenissimi
 Ioannis III.
 expeditionū
 bellicarum
 indiuiduus
 comes.

Æquo-

Æquora camporum; seu per latissima terræ
 Climata Roxolanæ cædit. seu jungitur ille
 Turcarum sceleri, cuneisque fugacibus instat,
 Et ruit, ut fugiat, fugit ut se Marte pudendo
 Subducat Lechiæ gladijs. testatur ad Istrum,
 Exutus castris Oriens, plaususq; Viennæ,
 Inque Tyræ, Patrijs merfus Geta læpè fluentis;
 Cameneci latebris, dum Rex fortissimus vrget,
 Cedat ut Odrysius prædo, saxisque retundat
 Heu infame caput! Tu per læuissima rerum,
 Ponè latus Magni dum bellatoris anhelas,
 Irruis in Geticos enses, in vulnera pectus,
 In mortemque offers, sitiens per cædua busta,
 Ire cruentatis ad nomina clara trophæis,
 Deq; rosis spinas decerpere. scilicet Heros
 Stemmata de ROSEO veniens, flos ille Virorum;
 Cui Bellona velut laurus donauit amicas;
 Sic toga pacatis ex artibus, omnia necit
 Florida, vernanti circumdans tempora seroto;
 Seu loqueris culto Terrarum Nuntius ore,
 Consilioq; graui Patriæ succurris amanti;
 Seu Iudex Themidis profers responsa Polonæ,
 Vndiq; par animo, maioribus vndique curis
 Latior, assurgens meritis, & calle paterno
 Altius ex voto summæ virtutis iturus.

Ad Comitia
 Regni Nun-
 tius.

Ad Tribuna-
 litia Regni
 Iudicia De-
 putatus.

Ast sibi Te cælum, sacro de murice lectam
 Esse ROSAM voluit MICHAEL; cui Cracidos altæ
 Regia Diuorum patuit; quem terna coronæ
 Vaueleæ clarum cingunt diademata mystam;
 Hic ubi Te virtus posuit, pietasq; vocauit,
 Et præstans animi cultus; qui Pallade docta
 Enituit, geniumq; Tibi formauit amicum
 Mentibus electis; quibus est sapientia dulcis,
 Et dilecta Tibi, niueis cum dotibus, & cum

Michael à
 Słupow
 Szembek,
 Canonicus
 Cracouiēsis,
 & Premysli-
 ensis, alter
 Neopreſulis
 Frater.

Sua.

Suauibus officiis, dulcoreq; mentis ad omnes;
 Quod Premysliaci sentit quoq; gratia coetus;
 In quo flos roseus, pretio virtutis haberis;
 Cum vernas probitate Tua, curaq; sacrorum,
 Dum Te consecras totum caelestibus Aris;
 Ad quas felici venit quoq; sorte vocatus,
 Aeternis stimulis ANTONIVS intima pandens
 Viscera; fraternis dum passibus instat, auctq;
 Ire poli quò Flamen agit, quò vita, salusq;
 Inuitat pulsante DEO. sic Nobile pectus,
 Eximiasq; animi dotes, ad munia cæli
 Conuertit; quem pulchra tenens vestigia laudis,
 Iam sacer ambit honos, iam celsius ire capaci
 Destinat ingenio, Roseas nectitq; coronas
 Dilecto capitis quod FASCIA Principe nexu,
 Et consanguinei circumdabit Orbe fauoris.
 Seraphicas mentes, & pectora casta Sororum,
 Ereptas terris animas, cæloq; dicatas
 SZEMBECCIA de Stirpe ROSAS, non addo, pudicis
 Quas seruat pietas claustris. de talibus haud fas
 Est, humana loqui. caelestia sola loquantur,
 De rebusq; suis alio spiramine content,
 Conscia quas nōrunt. si Sponsa ROSALIA CHRISTI
 Est Rosa; verum alia est, CARMELI vertice tangens
 Angelicos flores. si terram spernit & odit,
 TERESÆ Diuinus amor; SALESIVS illi
 Cælestes hymnos, & dulcia carmina pfallat.
 Tu mihi iam NeoPræsul ades, Tu barbita claudis,
 Quæ Te non claudunt, plectro maiore canendum.
 Sanguinis omne decus Tu consignabis auri,
 Iamq; coronatus gemmis, sacrâq; Tiarâ,
 Ipse corona Tibi fies, laudumq; coronis.

Antonius à
 Słupow Szem-
 bek, Scholasti-
 cus Camene-
 censis, tertius
 NeoPræsulis
 Frater,

Rosalia Szem-
 beccia Ordinis
 Seraphicæ
 Matris D. Te-
 resæ Sancti-
 monialis, Neo
 Præsulis So-
 ror.

Teresa Szem-
 beccia, ex San-
 ctimonialibus
 à Visitatione,
 NeoPræsulis-
 altera Soror.



E

CORO.

CORONAMENTUM

VIRTVTIS, ET GLORIÆ,

Illustriss. NEOPRÆSVLIS LAVDIBVS,
PANEGIRICE NEXUM.

Hūc tandem

Purpuratis sanè ad Pontificale coronamētū passibus;
quia per ROSAS SZEMBECIANAS venimus.

Seculorum iste tractus,

quo per tot gentilitia decora ire licuit,
non Dædali Labyrinthus, sed fuerat Hybla,
tot gratiæ Rosetis, quot Majoribus coronata.

Topiarius in ea,
qui plantauit, rigauit, & incrementum dedit,
ipse coronarum dispensator, & supremus arbiter

DEVS;

Paradisum hīc voluptatis plantauit,
Innocentiæ nimirū & virtutis,
ROSIS SZEMBECIANIS benedicens;
vt fierent in Ecclesiā DEI,

sicut plantatio Rosa in Iericho.

Omnia hīc à tot seculis, vel ideò benedicta fuere;
vt vnus hoc seculo NeoPræsul prodires;
qui *venis in Nomine Domini* ad Tiaram
benedictus,

quoniam CONSECRATVS.

Vnguentum hoc in odorem suauitatis,
super caput Tuum,
non lenticulā, sed toto Vase electionis,
plenè effusum est;
diū collectum, vt abundantius descenderet,
super Te Aaron;
qui Tibi non sumpsisti honorem;
sed à DEO vocatus, citra spem inuenisti.
meruisse poteras, sed ambiuisse perosus,
etiam merita occultasses;

Nisi ex arcano suo producta, manus Tibi,
sed per manus, & vincula Fasciæ,
inieciſſent.

Pulcherrimum virtuti ſic quæri, ſic veſtigari;
vt veſtigia eius ſoli DEO conſtent;
cuius incomprehenſibilia iudicia, & inueſtigabiles via ſunt.

Tibi certè
conſcientia meritorum ſuffecerat;
ſed non Tibi ſoli egeras;
quod à teneris egisti;
genio felici, & indole ſumma.
Pallas illam Iagellonica,
Regiè ſane, quia liberè excoluit,
ſpontè cultum literatum poſcentem;
quem vt tenerè dilexeris,
mens apprimè erudita, & cor ſapiens teſtatur.

Hic os Tibi roſeum,
non Adonidis, ſed eloquentis floralia Suadæ,
vt coronauerunt olim in Roſtris;
ita nunc in Sacris exedris, Sanctiori
dum exornant Hymetto;
quidni ex eo in corda hominum, & affectus,
puniceos iaculeris imbres?
non vt mulceas; ſed vt allicias eò;
vbi id dicitur, & agitur,
vt electi ſecurè dicant,
Chriſti odor bonus ſumus.

ita dulcem animi ſuaueolentiam, ſecuta oris fragrantia;
non degenerauit à corde, ex cuius abundantia os loquitur;
iſtis certè Gratijs inſeſſum,
quæ etiamſi nolueris, lubentiùs erumpunt,
quàm tenentur;
abyſſo id

DE O gratiarum agente,
vt gratia & Roſa mentium ſis,
non tamen ſub roſa.

Reuelauerat eam Orbi Polono,
& inter purpuras Regum non erubiſſe fecerat,

flos ipse Regum, sed mox deciduus,
 & in expectati gaudij breue delictum,
 Serenissimus olim MICHAEL
 Rex Poloniae;
 cuius Tibi non minus Regium conclaue,
 quam cor augustum patuit;
 præcipua Tui inter Aulicos Cubicularios æstimatione;
 cum ex spinis Aulæ, legeres Rosas,
 seculi, & Aulæ vitio incorruptas.
 inter errores illos plusquam Dædaleos,
 Ariadnæ filo non indigens,
 quam huc innocens Theseus intraueras;
 tam existi puritate conscientiae a Minotauris securus;
 ceu non inter Curialium lenocinia, & apertas lubentis portas,
 florem ætatis posuisses, sed concluso in Horto.
 Pompa illa, & seculi triumphus,
 Tibi Pantheon, & Sanctuarium,
 etiam inter palatia, arcanum fuit, & recessus;
 cum in medijs quoque profanæ magnificentiae splendoribus,
 iam animo Sacer esses,
 & inter Tarquinius Numa.
 Vbi curarum inanum maximus feruor,
 alia Tibi mens, alia cogitatio, breui ostendit;
 quam longè distares ab illo æstu; qui ceteros adussit,
 & quam fueris Sol in umbra.
 Ab hoc Solio, & Sole maiestatis;
 qui Te non decolorauit;
 quia in Diaphanam bonæ mentis crystallum egit;
 hoc in Te Regium, hoc augustum;
 quod inter Aulæ obsequia, post experimenta Regalis gratiæ,
 ad Regis Regum negotia profeceris:
 quæ dum animo voluis, & sanctiori proposito firmas;
 ad Sancta Sanctorum suspirans,
 Urbem Sacrorum, & Orbis Principem,
 Romam nimirum adiisti.
 Hic Tibi Spiritualis gustus, & anima vitæ;
 rerum Diuinarum hic in fonte voluptas,
 Super omnia Capitolia, & Colossos,
 & quic-

& quicquid Roma inter admiranda sua computat ;
 nihil Tibi magnificentius, nihil carius ;
 quàm Augustale illud sanctitatis ;
 quod Petri clauēs aperiant, & Annulus Piscatoris consignat.
 Hoc Augustale patuit Tibi,
 vsq; ad Apostolicæ Sedis,
 & purpurati Cardinalium Ecclesiæ Senatus gratias ;
 quæ dilexerunt in Te concolorem sibi purpuram,
 & Sanguinis, & mentis.
 Inter hæc oracula, an miracula Orbis ;
 quæ aliquando in Patria, velut ex aureo tripode proferres,
 Iuris oracula didicisti.
 Dilectum hoc Tibi studium impensius ;
 quia zelabas pro iustitia, & amabas tenerè id ;
 cuius à Teipso primam rigidè exegeras,
 & regulam, & amissim.
 Supremum illud in fastigio Ecclesiæ Tribunal,
 disponebat Te ad hoc Iurisdictionis Ecclesiasticæ fastigium ;
 in quo fasces iustitiæ tenes,
 & pro FASCIA vices:
 ostendisq; , quàm illud solidum fuerit; quod Romæ sedulus egisti;
 ab inuictō Canonum studio, mente robusta non discedens ;
 donec Te Romana laurea,
 Iuris Viriusq; coronaret Doctorem.
 Præcellentium animorum corona hæc,
 cui nequaquam adseripseris, tollat te, qui te non nouit;
 sed qui te nouit, hic tollat ;
 decorum caput tuum ambiens, fecit ;
 vt ab Orbis triumphatrice Romana Pallade, in Patriam non redires
 absq; plausu, & triumpho ;
 & quidem Sapientiæ ;
 quæ non applaudit ad oculum, sed ex merito ;
 diuq; deliberat, cui Roscio Plaudite dicat.
 Aduentum tuum selectissimæ in Regno animæ,
 ex animi voto cùm expectarent,
 celeri fama, celeriores gratiæ, non poterant non præuenisse ;
 cùm antè corda possederis, quàm venisses in brachia ;
 prima Tibi niueos expandente sinus,

Illustrissima FASCIA SBASCIANA;
quæ dignos amari vt intelligit, sic deligit; vt excipiat;
animorum non nisi vel Rosas, vel gemmas.

Vinciri eius vinculo, prima Tibi felicitas;
sed & prima, in vinctis amantium libertas;
arcanumq; fuit, ab hac manu initiari ad honores;

quæ Fasces Regum tetigit;
quidni in Te Regale quoq; Sacerdotium,
Canonicatu inprimis Premysliensi exornasset?

Superis iam disponentibus;
vt quod Fascia coeperat, Fascia consummarett.

Meruerat certe;
Fasciæ huius effusa in Te gratia,
inuidiam quidem, sed innocentem;
quia apud candidum innocentiae Symbolum;
Olorem nimirum TRZEBICIANVM;
cui placuerant illæ animi Tui dotes,
quarum æstimatio ibi maxima,
vbi virtutum sympathia maior.

Præsul ille;
totus animo Cygnus, & pro Ecclesia zelator,
purum illud, & illime, cordis tui penetrauerat secretum;
in quo, etiamsi maximè tegeres,
translucebas Tuipse,
integritate animi Cygneus, comitate suavis;
non tamen absq; iusto pro Ecclesia zelo;
quo qui non flagrant, Cygni quidem plumis,
sed non Phænices sunt;
qui plumas habent, non vt placeant;
sed vt illis, zelatorem pro Deo, & Ecclesia vegetent ignem;
Frigida nix, candicat quidem;
sed spiritu caret, & ad Solem liquefcit.
Quippè in Prælati Ecclesiæ,
frigida intus non sufficit innocentia;
nisi sit & foris, zelosus contra hæreticos,
& pseudopolitiem candor.

Magnus hic in ANDREA TRZEBICIO,
& dissimulari nescius,

perculit

perculit spiritu Ecclesiastico, non vnum in fronte
Gigantem Philistæum,
restititq; cum Helia Prophetis Baal,
etiam solus quadringentis,
nihil minus curans; quàm displicere malis;
cùm placentia in faciem, amicè quidem loquebantur;
sed Deo, & Ecclesiæ inimici.

Hinc illi

Spiritus Ecclesiastici in Prælati Ecclesiæ,
facilis intelligentia, & tenerrimus amor;
cùm diligeret, & promoueret in eis; quod ipse fuerat:

prout & in Te NeoPræsul,
magnitudinem animi, spiritu Ecclesiastico plenam,
vt aduertit, vt adamauit;
absq; corona non dimisit;
donec eam in Te,

honorifica tui inter Cathedrales Canonicos Cracou: cooptatione,
in Vauelano fastigio sublimaret.

Si nihil aliud gloriæ Tuæ accederet,
præter id;

quod à tanto æstimari merueris;
fatis fuerat ad magni nominis pondus;
cùm Tu quoq; respondisses pari virtute,
æstimantis iudicio;

quod gaudebat, Stateram in Te suam non errasse;
cùm id etiam, quod æstimabat excessisses;
illo vitæ exemplo, illa compositi animi symmetria,
illo rerum Diuinarum amore;

qui in Te omnem seculi amorem extinxit,
& ita Te totum, ad animæ negotia transtulit;
ceu nihil sensibus deberes.

Suadam quoq; Ecclesiasticam,
animo innocenti non disparem, secuta gratia,
eò spontè inclinatis audientium animis;
quò ducebas verbis inuitans, opere persuadens;
tam sine ambitu, tam sine spiritu affectato;
quàm si ipsa modestia perorasset,
Aurea quippè lingua non efficit,

nisi cum aurea vita Chrysologos ;
plusq; valet nummus, qui ex Obryzo cūsus vix sonat ;
quā qui ære quantumuis Corinthiaco tinnit.
Magisterio virtutis, qui in alijs proficere desiderat ;
primam eius à seipso exigit disciplinam ;
crysīm enim de vitijs, vitia non ferunt ;
sed Virtutes ;

quibus qui loquitur, tūm demū oracula dicit.
perorasti his NeoPræsul,
& iam satis fuerat persuasisse,
non minū oraculo vitæ, quā eloquentiæ ;
vt dictis, & factis Ecclesiastes ;
ita in Tribunalitjs Regni Iudicijs,
ex præscripto iustitiæ, & de Teipso norma,
ipse Areopagus, ipse Themis.
Agnouit Te Deputatum Iudicem,
tripos ille aureus quidem ;
sed nec prece, nec auri pretio corruptus ;
pectore imperuio Fauonijs ;
qui animorum rimas sollicitè quærunt ;
vt dulci respectu illabantur.

Maluisti proin,
seuerior censei, & leniri nescius ;
quā iustum, & tenacem propositi Virum exuere ;
vbi si vel tantillū à recto discesseris,
ingens iustitiæ hiatus est.

Hac animi integritate securus,
non impegisti ad scopulos, quorum ibi Scyllæ frequentes,
sed rari Vlysses ;
in omni deinceps vita, coronamento virtutis & gloriæ dignus ;
qualem Te

Celsissimi Præsulis, ac Principis,
IOANNIS MALACHOWSKI,
EPISCOPI CRACOVIEN: DUCIS SEVERIÆ,
consanguinea Tibi inuenit FASCIA ;
vt ampliùs coronaret.

Nexus quidem sanguinis, vim natiuam habuit ;
quā Te cordi eius vinciret ;

sed nexus

sed nexus virtutis potentior,
 plùs egit, vt arctiùs vincireris;
 quoniam obligatio virtutis, etiam Superos ligat.
 Cor ergò Principis, vinculum Tuum,
 explicato gratiæ sinu, ita in Te beneficum esse voluit;
 vt ab officio inciperet,
 magnæ virtuti, majus theatrum prouidendo;
 in quo mensuram Tui,
 Archidiaconatus Zauichostenfis,
 Visitationibus Cleri in eo, toties per Te, & tanta cura geminatis,
 tantoq; Ecclesiasticæ disciplinæ successu ostendit;
 quantæ capacitatis, animus hic, jam tum fuerit;
 qui cælesti arcano disponebatur;
 vt deinceps ex condigno adimpleret,
 Ordinis, & Iurisdictionis,
 Præsuleas in tam vasta Diœcesi vices.
 Ita factum est,
 Sapientissimo Præsule, ac Principe,
 de Te, sine Te,
 quia sine ambitu vllò,
 honorifica omnia cogitante;
 vt post NICOLAUM OBORSCIUM,
 cælo receptum;
 in cuius funere lilia dixisti,
 in eius munere succederes.
 ROSA,
 jam ante rebus Diuinis Sacra;
 sed nunc etiam ritu solenni Consecrationis,
 in Præsuleo capite Tiarata.
 Quis ergò dubitabit, Caput hoc Tiaratum,
 Augustum fore, & Benedictum?
 Cui Augustissima omnium in terris Majestas,
 nimirum ALEXANDER VIII.
 Pontifex Maximus,
 Bonis utiq; auspicijs, quia Paterna bonitate OTTOBONIA
 benedixit:

quam
Serenissimi & Inuictissimi
I O A N N I S III.

Triumphalia nomina, & victrices laurus coronant:
Celsissimorum verò, & Reverendissimorum Antistitum,

IOANNIS MALACHOWSKI Cracou:

IOANNIS SBASKI Varmienfis,

geminæ Principes vinciunt Fasciæ;

ANDREÆ ZALVSKI Kijouiensis,

Agnus qui pascitur inter lilia,

ad Roseta & Lilieta immortalis gloriæ ducit:

cui deniq;

vt festiua, & diuturna lætitia sit,

ipsa solennem Ecclesia occinit triumphum;

cùm dulce occinit Lætare;

dumq; hodie in Basilica Cathedrati Cracouiensi,

quod cum ROSIS SZEMBECIANIS,

florida NEOPRÆSULI secula nectat,

ritu solenni

Lilium circumfert

B E N E D I C T U M.



